



education

Department:
Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LOKUTHOMA LOKUNGEZELELA (FAL)

IPHEPHA LOKUTHOMA (P1)

FEBRUARY/MARCH 2009

IMITLOMELO: 80

ISIKHATHI: Ama-iri ama-2½

Iphepheli linamakhasi ali-11.

YELELA

1. Iphepheli lineengaba ezintathu: ISIGABA A, B no-C:
ISIGABA A: Ukufunda nokuzwisisa (30)
ISIGABA B: Ukurhunyeza (10)
ISIGABA C: Ihlelo nokusetjenziswa kwelimi (40)
2. Phendula YOKE imibuzo engaphasi kweengaba ezintathu ezinikelweko.
3. Fundisisa yoke imibuzo ngaphambi kobana uyiphendule.
4. Iimpendulo azingahlangahlanganiswa.

ISIGABA A: UKUFUNDA NOKUZWISISA**UMBUZO 1**

Phendula yomibili imibuzo, umbuzo 1.1 no-1.2.

1.1 Funda itheksti engenzasi uyizwisise bese uphendula imibuzo elandelako.

ILANGA LABOMMA

Ilanga langomhla ka-9 ku-Arhostosi ligidingwa minyaka yoke njengelanga lokuphumula ngombana kusuke kukhunjulwa umsebenzi omkhulu owenziwa bomma beSewula Afrika ngomnyaka ka-1956. Imisebenzi yabommabo ikhunjulwa ngokobana kubanjwe amarali ngelangeli. UNelson Mandela wabeka ikulumakhe ePeter Mokaba Stadium wathi, "Kufanele kufakwe imithetho eqinileko esekela amalungelo wabomma ngokomthetho kumThethosisekelo wamaphelelo osatlolwako njenganje. Ukuragela phambili ngokutlolwa komThethosisekelo sele kuhlale indima ekulu."

Ukwenzela ukuthokoza amabutho wabomma ahlahla indlela yokulwela amalungelo wabantu kufanele siwagandelele emthethweni omkhulu wephasi, imithetho enamandla esekela amalungelo wabomma ngokomthetho. U Mandela wathi kumemezela bona ilangeli libe lilanga lokuphumula lesitjhaba. Lokhu kwenzelwa ukugidinga umnyanya womzabalazo wabomma owenziwa esikhathini esiminyaka ematjhumani amanengi adlulileko, begodu kube nokuvuseleleka nokuzinikelela ekulweleni umphakathi onganakho ukuninwa kwabomma.

Wabawa abomma bona bafake umoya wokwakhana. Wathi kufanele sisebenze ngokubambisana khona sizakudala umoya wokukhathalela ukufunda ebantwaneni nokwehlula ubelelesi. Embuthanweni welanga labomma etatawini le-Odi ngetlhagwini yePitori, uThabo Mbeki wathi, Umtjhagalo wango-1956 wokuya e-Union Buildings wabe ungewabomma abangaphezu kwe-20 000. Umtjhagalo lo ngiwo owaba mleyo womzabalalo osele urholele ekululekweni ehle kangaka. Imitjhagalo yabomma le yaletha ukwehlula nokuzuza idemokhrasi. Kwaba mzabalazo obuhlungu khulu obe nokuzinikela okunengi khulu kwabomma."

Abomma abatjhagala ngelangeli, mhlana amalanga ali-9 ku-Arhostosi 1995 basiya e-Union Buildings pheze babe bazi-8 000, babuya eenhlanganweni ezahlukahlukeneko zezepolotiki. Idwendwe labommeli lisikhumbuzo somtjhagalo ofana nalo owenziwa bomma abaziinkulungwana ezinengi mhlana amalanga ali-9 ku-Arhostosi ngo-1956, ukusola imithetho yamapasa eyabibekwe mbuso wangaphambili. Umtjhagalo lo wadoswa phambili bomma abandelako: uRahima Moosa, Sophia Williams, uHelen Joseph kanye noLilian Ngoyi.

Ukkz. Brigitte Mabandla uthethe nakakhuluma nabomma eFree State ngelangeli, wathi kufanele babe ngabakhamba phambili malungana nokuphila kwamaSewula Afrika woke. Kufanele balwisane nobukhwahla, ukuhlukunyezwa nokubulawa kweenkhulu zepolitiki. Bavumelane nokukhuliswa komnotho, ukuthula kanye nekwenzeni kulinganwe ngobulili.

[Ithethwe ku*Sowetan* yangomhla ka-10 ku-Arhostosi 1995 yabe yatjhugululelwa esiNdebeleni.]

- 1.1.1 I-Union Building ikuliphi idorobha? (1)
- 1.1.2 UNelson Mandela wethula ikulumakhe kisiphi isifunda? (1)
- 1.1.3 UNelson Mandela bekanasiphi isikhundla ngaleso sikhathi? (1)
- 1.1.4 Ukuya ngokwendatjana engehla, abomma bebatjhagalela ini ngo-1956? (2)
- 1.1.5 Kulungile bona ilangeli lithathwe njengelanga lokuphumula? Vuma /phikisa bese usekela ipendulwakho ngomutjho OWODWA. (3)
- 1.1.6 Tlola amabizo wabomma ABABILI ebebabadosa phambili umtjhagalo wangomnyaka ka-1956? (2)
- 1.1.7 Nawucabangako kubayini emtjhalweni lo kwabe kubafazi bodwa? Ipendulwakho ayibe mumutjho OWODWA. (2)
- 1.1.8 Ukuya ngekulumo eyethulwa nguBridgette Mabandla, ngikuphi okumele kulwelwe bomma. Ipendulwakho ayiveze amaphuzu AMATHATHU (3)
- 1.1.9 Tlola ilungelo ELILODWA abomma abanalo. (2)
- 1.1.10 Ingabe indatjana le ikhutjwe kiliphi iphephandaba? (1)
- 1.1.11 UThabo Mbeki bekanasiphi isikhundla embusweni wentando yenengi ngokwendatjana engehla? (1)
- 1.1.12 Mangaki amaphrovensi weSewula Afrika? (1)

1.2 Funda itheksti engenzasi bese uphendula imibuzo elandelako.

UBULELESI BANDILE EENKOLWENI NEMAKHAYA

ISewula Afrika mazombe isahlelwe bulelesi obuhlahlathisa umzimba. Okubuhlungu kukobana abenzi bobulelesobu bantwana okumele ngabe baseenkolweni bazihlomisa ngesikhali esiyifundo. Ngokwamarhubhululo enziwa ngomnyaka ka-2001, kwafunyaneka kobana amaphesende ama-70 weembotjhwa zeSewula Afrika, bantwana abaneminyaka engaphasi kweli-19. Okutshwenya khulu umbuso kukobana abantwanaba ubunengi babo bantwana okungakafaneli kobana babotjhwe babhadle ejele ngebanga leminyaka yabo.

Kunezehlakalo ezimbi khulu ezenzeka esifundeni sePumalanga Kapa esikolweni esithileko lapha abafundi babhema khona isangu. Kwathi ngemva kwalapho abanye bahlabana ngemikhwa, abanye bagagadhlhelwa kwathi abanye baya emsemeni ngobulili obufanako. Ubulelesobu bande khulu ebantwaneni besikolo abaneminyaka esukela kweli-9 ukuya kweli-17 ubudala. Lokhu kwavezwa ngu-Andre Gaum owabe anguNgqongqotjhe wezeFundo esiFundeni sePumalanga Kapa ngomnyaka we-2002. Ngokutjho kwakhe bama-80 abantwana abaqotjhwa eenkolweni zomphakathi kilesisifunda ngebanga lobugebengu obubalwe ngehla.

Ngokutjho kwaka-Andre Gaum, hlangana nabo besanyana ababili abaneminyaka eli-9 neminyaka eli-11 abaqotjhwa ngaphasi komthetho wokungaziphathi kuhle newokuya emsemeni bangebobulili obufanako. UGaum waveza lokho esibethamthethweni sesifunda ngehloso yokuphendula umbuzo owawubuzwe ngowayejamele ihlangano ye-United Democratic Movement, u-Archie Lewis. Wanikela ngehlelo elaliveza abesanyana beminyaka ebalelwa kwengaphasi kwama-20 abaqotjhwa ngaphasi komthetho wokugagadhlhela umntazanyana obengakafiki ezingeni lokuhlangana nomuntu omduna.

Isumi labafundi laqotjhelwa ukuhlaba abanye abafundi ngemikhwa, ngeenkere nokhunye ngemajaradeni weenkolo. Kilokho kuhlabana kwezwakala kobana omunye umfundi kilabo abahlatjwako wabhubha. Umntazana oneminyaka eli-16 waqotjhelwa ukuhlaba afunda naye ngenalidi. Elinye inengi labafundi laqotjhelwa ukuthuthumbisa ngeengidi nokuphatha iingidi ezingekho emthethweni. Inarha yeSewula Afrika ineenkhali ezinengi ezingasisemthethweni ezafahla ngeminyaka yebandlululo.

ULewis, onugadi wezindlu zokuhlala abafundi esifundeni sePumalanga Kapa, wathi isifundesi kufanele senze amano wokuqeda iinqhenyana zeenlelesi, ukungazwani ngokwamasiko nezipi zemakhaya, okungizo unobangela wobulelesi obande khulu eCape Flats. Wayelelisa nokobana umkhandlu ophethe zefundo ungaqotjhi abantwanaba ngombana ubaqotjhela bonyana bayozibandakanya neenqhema zobulelesi.

1.2.1 Izehlakalo ezibalwe endatjaneni engehla zenzeka kisiphi isifunda? (1)

- 1.2.2 Ngubani owabe anguNqgonqgotjhe wezeFundo esifundeni ekukhulunywa ngaso? (1)
- 1.2.3 Tlola imihlobo EMIBILI yobulelesi ehlahlathelisa umzimba ekukhulunywa ngayo endatjaneni engehla. (2)
- 1.2.4 Ingabe kulungile ukobana isikolo simqotjhe umfundi olelesileko? Sekela ipendulwakho ngomutjho OWODWA. (2)
- 1.2.5 Nangabe bewunguNgqongqotjhe wezeFundo kilesisifunda, ngikuphi obe uzokwenza ukuqeda ubulelesi eenkolweni? Hlathulula ngomutjho OWODWA. (2)
- 1.2.6 Ukuya ngoLewis, ngikuphi okungunobangela wenturhu engaka eenkolweni? Tlola iphuzu ELILODWA. (2)

IMITLOMELO YESIGABA A: 30

ISIGABA B: UKURHUNYEZA**UMBUZO 2**

Funda itheksti elandelako uyizwisise bese uyayirhunyeka ngawakho amagama. Amagama ozowasebenzisa akabe matjhumi amahlanu ukuya ematjhumini asithandathu (50 – 60).

Ipilo eyayiphilwa babantu abadala yayitlhuwisa khulu. Bebangakwazi ukuzenzela izinto abazifunako ngesikhathi sabo. Bebagada bonyana omunye umuntu asuke eduze kwabo bese bakhona bakwazi ukwenza okuthileko. Nangithi kusuke omunye umuntu ngitjho omphetheko bese uyakhululeka.

Khona-nje ipilo yabantu abadala ingcono khulu ngombana bayakwazi ukuvela kumabonakude kanye nemirhatjhwani bakhulume, baveze amaziso wabo bebvume. Abantu abadala bathanda umvumo wombhaqanga nofana okhamba kancani, njenge-Jazz. Ubathola babetha phasi ngenyawo namkha ngedondolo nabalalele umvumo lo. Ithando lawo ulibona lokha nabawulaleleko ngombana ufumana sele bathuwa omunye abaciphize neminyembezi.

Lababantu bathanda iinkoloyi ezikulu ngombana bathi ezincani zizabawisa bona badala. Bathanda ukuthi abantu abanengi abatjha angeze bazibhadela lezi zabo ezikulu. Batjho njalo ngombana bacabanga bonyana abanayo imali enengi njengeyabo.

Ipilo yabantu abatjha yona imsinya khulu begodu iyathusa. Nawuthi uqalile ubona umuntu omutjha atjhayela etja tjha ikoloyi angasebenzi nokusebenza. Lokho kubufakazi bokobanyana uyeba nofana bakwabo bajame kuhle.

Amalwele nawo akakabalisi ababhokele kangako, ngombana bakhamba baphambukela nalapha kuyingozi khona. Abantazana nabesana ukghona ukubathola eendaweni ezithengisa utjwala ukusuka ntambama bekuse baduda ngotjwala. Kuphetha sele abantwana babentazana bazithwele abantwana abangabaziko bona ngebabobani namkha banamalwele angalaphekiko. Okubuhlungu khulu kukuthi amalanga la sibulunga isibalo esiphezulu khulu sabantu abatjha. Abantu abadala nabalupheleko bayasala.

Ukudla kwabantu abatjha nakho ngilokhu okukhethekileko ngombana bayazitjheja, abafuni bona bathele umzimba. Ungakhohlwa phela bonyana kusafunwa idini nejamo. Abanye abantu abatjha abasahloniphi nabantu abadala ngombana bacabanga bona bazi yoke into. Bayakhohlwa bonyana indlela ibuzwa kwabaphambili. Bahlala baneminyanya njalo ngepelaveke.

IMITLOMELO YESIGABA B: 10

ISIGABA C: IHLELO NOKUSETJENZISWA KWELIMI**UMBUZO 3**


- 3.1 Funda umutjho ongenzasi bese uphendula umbuzo olandelako.
UGogo uye **enyangeni** ngombana athi uphethwe mamehlo.
Thatha ibizo inyanga uzakhele omunye umutjho oveza enye ihlathululo eyahlukileko. (2)
- 3.2 Buyelela utlole imitjho engenzasi izwakale kuhle.
- 3.2.1 UVusi uyokuvakatjha uMahlangu (1)
- 3.2.2 UBadanile sebenza kamnandi eSecunda. (1)
- 3.3 Funda umutjho ongenzasi bese uphendula imibuzo elandelako.
Umma **ubopha** inceba ngetjhila.
- 3.3.1 Buyelela utlole umutjho ongehla ube sebujameni bokuphika. (2)
- 3.3.2 Buyelela utlole umutjho olandelako uzwakale kuhle.
Inceba **libopha** ngumma ngetjhila. (2)
- 3.4 Funda umutjho ongenzasi bese uphendula umbuzo olandelako.
USorhulu ohlala eSiyabuswa uhlongakele.
Buyelela utlole umutjho ongehla bese ujamiselela ubulili obuphikisana negama elitlolwe ngokunzima khulu. (1)
- 3.5 Funda umutjho ongenzasi bese uphendula imibuzo elandelako.
UThoko uthengisa iindakamizwa.
- 3.5.1 Tjhugulula isenzo esithalelweko siveze umqondo wokwenza. (1)
- 3.5.2 Tjhugulula isenzo esithalelweko siveze umqondo wokwenzana. (1)
- 3.5.3 Tjhugulula umutjho ongehla uveze isikhathi esizako. (2)
- 3.6 Funda umutjho ongenzasi bese uphendula umbuzo olandelako.
Ubaba uthenge izimvu ezima-**90** kanye neembuzi.
Tlola umutjho ongehla bese utlola inomboro etlolwe ngokunzima khulu ngamagama. (2)

- 3.7 Tlola umutjho ongenzasi bese ujamiselela ibizo elitlolwe ngokunzima khulu ngelinye elinomqondo ofana nalo.
Ngithole ikoloyi **isihle**. (1)
- 3.8 Funda umutjho ongenzasi bese uphendula umbuzo olandelako.
Umntazanyanakhe uhlongakele namhlanjesi ngebanga **lokuba namehlo amanengi** begodu bekasanuka ibisi.
Thatha isitjho esitolwe ngamagama anzima khulu uzakhele wakho umutjho uveze kobana ihlathululo yaso uyayazi (2)
- 3.9 Funda umutjho ongenzasi bese uphendula umbuzo olandelako.
Umnyango wezefundo awufuni abomaliledinini ngeendlini zokufundela.
Landela umthetho wokupeledwa kwamagama bese utlola amagabhadlhela emagameni atolwe ngokunzima khulu (2)
- 3.10 Funda umutjho ongenzasi bese uphendula umbuzo olandelako.
Boke abentwana beenjinga abasiqedi isikolo.
Ingabe umutjho ongehla **uliqiniso** nanyana **umbono** nje kwaphela. Sekela ipendulwakho ngephuzu ELILODWA. (3)
- 3.11 Funda umutjho ongenzasi bese uphendula umbuzo olandelako.
Niyamenywa emnyanyeni kwaThubana kodwana abafazi abangakathombi bangezi.
Ngabe kunokubandlulula emtjhwani ongehla lo na? **Vuma/Phikisa** bese usekela ipendulwakho ngephuzu ELILODWA. (3)

3.12 Funda isikhangiso esingenzasi bese uphendula imibuzo elandelako.

YEWIZE ESITOLO SEENGEJISO IRABHALALA

Ungazitholela iwatjhi yerhawuda ngenani eliphasi, phasi khulu.



R150.00 ngenyanga

Inani liloke limaranda azi-R2000.00

UVUMELEKILE UKUVULA I-AKHAWUNDI

IMIBANDELA NEMIGOMO IYATJHEJWA.

- 3.12.1 Kubayini amagama athi, "**YEWIZE ESITOLO SEENGEJISO IRABHALALA**" atlolwe ngamaledere amakhulu? (2)
- 3.12.2 Kubayini imibandela enjengenani lewatjhi itlolwe ngamaledere amancani? (2)

3.13 Qalisisa isithombe esingenzasi bese uphendula imibuzo elandelako.



- 3.13.1 Kwenzakalani esithombeni esingehla? Ipendulwakho ayibe mumutjho OWODWA. (2)
- 3.13.2 Ikoloyi ebonakala esithombeneni izokwenzani lapha? (2)
- 3.13.3 Ucabanga bona yini unobangela walokhu okuvezwe esithombeni esingehla. (2)
- 3.13.4 Tlola iminyango EMIBILI ekungiyi efanele isize abantu abasebujameni obufana nalobu obusesithombeni esingehla. (2)
- 3.13.5 Ngomutjho OWODWA veza lokho okungenziwa ukuvikela okwenzakala esithombeni esingehla. (2)

IMITLOMELO YESIGABA C: 40

INANI LOKE: 80